

vxorum, quæ variant hic & supra. Nam  
quæ vxor hic vocatur Adah filia Elon,  
supra cap. 26. ver. 34. dicebatur Bosmath fi-  
lia Elon, & quæ ibi Ichudith filia Beeri,  
hic Aholibamah filia Anah appellatur:  
Etiam filia Ismael soror Nebaioth su-  
pra cap. 28. ver. 9. *Mahalath*, hic *Bosmath*  
vocatur. Aliqui volunt, has esse diuer-  
sas ab illis, quia illis mortuis abique li-  
beris alias duxerit Esau: Sed verisimi-  
lius est, easdem diuersis nominibus  
fuisse, quia familiare fuit nomina mu-  
tare, ut essent binomiæ, sicut & Jacob  
binomius fuit. Ideo dicit Moses יְשָׁעִי  
*uxeres suas*, quasi dicat, tres illas, quas  
supra dicebatur duxisse de filiabus Ca-  
naan & Ismaelis: & filia Ismaelis licet  
aliter hic nominetur, tamen ex adiun-  
cto patet eandem esse, quia fuit soror  
Nebaioth. De secunda, quæ est Aho-  
libama, obseruetur, quod dicitur filia  
Anah & filia Sibon: non quod habue-  
rit duos patres, ut fingunt aliqui He-  
brei, sed filia Sibon dicitur pro nepte.  
Sibon enim fuit pater Anah versic. 24.  
quod additur differentiæ causa, ut hic  
Anah filius Sibonis, ab alio Anah fratre  
Sibonis discernatur. Hic vero Anah  
supra cap. 26. ver. 34. vocatur Beeri: Bi-  
nomius ergo & ipse fuit. Vterque so-  
cer Esau supra vocatur Hitthæus, hic  
aliter Hiuæus: qui populi diuersi qui-  
dem fuerunt, ut patet cap. 10. 15. Exod. 3.  
8. sed Hiuæi Hitthæorum territorio am-  
plissimo continebantur: Ideo promi-  
seue sic vocantur *Hiuæos* autem eosdem,  
qui supra cap. 14. ver. 6. & hic. ver. 29.  
*Horæi* vocantur, incolas montium Seir  
fuisse, collatio ver. 2. & 10. ostendit:  
Nam Sibon auus Aholibamæ vxoris  
Esau hic Hiuæus, illic Horæus seu filius  
Seir Horæi vocatur. Per nuptias au-  
tem Aholibamæ Esau affinitatem cum  
Horæis principibus contraxit, cuius oc-  
caſione postea principatum terræ occu-  
pauit. Nam hæc Aholibama fuit pro-  
nuptis Sei Horæi, filia Anah non illius

A inquam, qui est quartus filiorum Seit,  
ver. 20. Sed alterius, qui mulos inue-  
nisse dicetur, ver. 24. filius Sibonis fra-  
tris Anæ maioris, nepos Seir. Nec Aho-  
libama est illa, de qua ver. 25. Anæ ma-  
ioris filia: Sed est filia Anæ iunioris,  
quæ ibi non memoratur, quia hic indi-  
catur, & quia ibi Moses ad pronepotes  
Seir non descendit.

**6.** TVLITQVE ES AV UXORES  
SVAS. Hic narrat Moses secessionem  
Esau à Iacobo, & migrationem cum v-  
**B**xoribus familia & substantia vniuersa  
quæ fuit amplissima in montanam re-  
gionem Seir: Addita causa, quia terra  
peregrinationum eorum, hoc est, Ca-  
nanæa non poterat eos simul sustinere,  
ob gregum multitudinem, pabulorum  
vero penuriam, sicut supra de Abraha-  
mo & Lothro, cap. 13. Etat quidem Ca-  
nanæa regio amplissima, sed non tota  
tenebatur à patribus, qui in certis tan-  
tum partibus peregrinabantur. Est ergo  
**C**Synecdoche. PERREXIT AD TERRAM  
nempe aliam. Quæ fuerit, docetur ver-  
su 8. Volunt diu quæsiuisse sedem ido-  
neam, tandem cōsedisse in montanis  
Seir venationi opportunis. Sed potius  
videtur recta illuc emigrasse ad foce-  
rum Anah territorii principem.

Hic vero est quæstio textualis non  
parum obscura, supra cap. 32. & 33. dici-  
tur Iacob reuertens ex Mesopotamia  
nuncios misisse ad fratrem in Seir. Et E-  
sau dicitur fratrem inuitasse, ut secum  
proficeretur in Seir: Ergo ante re-  
**D**dum Iacobi habitabat in Seir: Quo-  
modo igitur nunc dicitur Cananæam  
non potuisse capere virumque, & ea  
causa Esauum migrasse in Seir? Variæ  
afferuntur conciliations. Non disipli-  
cet mihi nostrorum interpretum ver-  
sio: qui illud בְּקָרְבֵּן יְהֹוָה à facie Iacob: red-  
dunt ante aduentum Iacob ex Mesopo-  
tamia, quasi migrasse dicatur Esau  
ex Cananæa à patre Isaaco: eo quod  
substantia corum nempe Isaaci & Esau